

Na osnovu člana 13. Zakona o principima lokalne samouprave u Federaciji Bosne i Hercegovine / RS-u ("Sl. novine Federacije BiH / RS-a", br. 49/06), Statuta Grada Zenica ("Službene novine Grada Zenica", broj 5/15) i Ugovora o dodjeli granta broj 20.04.0-01.C-7534 od 18.04.2023. godine, između Institut za razvoj mladih KULT, USAID-ov Program podrške zaštite ljudskih prava (USAID/INSPIRE) i Grada Zenica, te Budžeta Grada Zenica za 2023. godinu („Službene novine Grad Zenica“, broj 2/23), Gradonačelnik Grada Zenica raspisuje

JAVNI POZIV

za finansiranje biznisa marginaliziranih grupa žena i pripadnika drugih marginaliziranih grupa

Podrška marginaliziranim grupama žena i pripadnicima drugih marginaliziranih grupa u razvoju biznisa ne predstavlja samo takmičenje između projekata za novi biznis nego je usmjerena ka poticanju marginaliziranih grupa da same osnivaju preduzeća ili obrt.

Organizaciju ovog programa vodi Grad Zenica na temelju ciljeva iz strateških dokumenata Grada Zenica. Ovim programom su definirane pojedinosti u smislu uvjeta za učešće na takmičenju, organizacije takmičenja i načina za odabir pobjedničkih ideja, kao i sklapanje ugovora za one koji odluče krenuti s realizacijom dostavljenog poslovnog plana.

Grad Zenica raspisuje ovaj Javni poziv na temelju Preduzetničkog fonda za marginalizirane grupe žena i pripadnike drugih marginaliziranih grupa nastalog udruženim sredstvima Grada Zenica i USAID-ovog Programa podrške zaštiti ljudskih prava (INSPIRE), a u skladu sa Ugovorom o dodjeli granta broj 20.04.0-01.C-7534 od 18.04.2023. godine, između Institut za razvoj mladih KULT, USAID-ov Program podrške zaštite ljudskih prava (USAID/INSPIRE).

Ko može aplicirati?

Na konkursu mogu učestvovati zainteresirani aplikanti, pojedinačno ili u grupi, koji se u momentu podnošenja prijave ne mogu okarakterisati kao preduzetnici odnosno vlasnici registriranog biznisa i nisu to nikada bili. Prijave mogu podnijeti punoljetne osobe, s prebivalištem na području grada Zenica, koje imaju poslovnu ideju i žele je realizirati kroz započinjanje vlastitog poslovnog poduhvata na području grada Zenica.

Javni poziv se raspisuje za podršku razvoju mikro, malih i srednjih preduzeća marginaliziranih grupa žena i pripadnika drugih marginaliziranih grupa i to:

- žrtava nasilja,
- samohranih roditelja,
- nezaposlenih mladih do 35 godina,
- dugoročno nezaposlenih ne uzimajući u obzir godine starosti,
- osoba s invaliditetom ili s djetetom s invaliditetom,
- osoba iz ruralnih sredina, te
- osoba koje su na neki drugi način marginalizirane.

Očekuje se i ohrabruje prijavljivanje i učešće timova u kojima je oko jedne poslovne ideje okupljeno više osoba. Šansa da poslovni plan bude realiziran, uz saglasnost podnosioca plana (u slučaju da podnosilac plana ne odluči ući u realizaciju poslovnog plana), veća je ukoliko poslovni plan bude imao sve relevantne i realne pokazatelje uspješnosti. Jedan tim, odnosno samostalni podnosilac, može prijaviti više poslovnih planova. Ista osoba ne može biti član dva tima, niti istovremeno prijaviti ideju kao samostalni podnosilac i biti član jednog tima.

Iznos traženih sredstava po prijavi ne može biti manji od **10.000,00 KM**, niti veći od **12.000,00 KM**.

Ko ne može aplicirati?

Javni poziv je namijenjen podršci marginaliziranim grupama žena i pripadnicima drugih marginaliziranih grupa, te se prijave pojedinaca ili tima koji nisu obuhvaćeni ovim Javnim pozivom neće uzeti u razmatranje. Nepotpune i neblagovremene prijave se neće uzimati u razmatranje. Aplicirati ne mogu osobe koje su ranije bile vlasnici nekog biznisa, čak iako je taj biznis u trenutku podnošenja prijave na Javni poziv objavljen.

Kakva ideja se može obraditi kroz poslovni plan?

Ideja koja se prijavljuje mora se obraditi kao poslovni plan, uz uslov da se realizira na području grada Zenica.

Poslovne ideje koje se ne mogu finansirati iz Javnog poziva i koje neće biti podržane su:

- biznis čije djelovanje, proizvodi ili usluge štete životnoj sredini;
- biznis koji se bavi proizvodnjom, prodajom ili prerađevinom duhana;
- biznis koji se bavi proizvodnjom ili prodajom alkoholnih pića ili artikala sa sadržajem alkohola;
- biznis koji se bavi proizvodnjom ili prodajom oružja i municije;
- biznis koji se bavi igrama na sreću;
- biznis koji se bavi trgovinom i ugostiteljstvom (izuzev originalnih ideja vezanih za turizam i domaće proizvode);
- biznis koji se bavi neetičnim i riskantnim djelatnostima.

Zamišljenu poslovnu ideju treba pretočiti u poslovni plan prema originalnom obrascu prijave. Odgovornost za originalnost poslovne ideje isključivo je na podnosiocu ideje.

Šta se može finansirati podrškom Grada Zenica i USAID/INSPIRE-a?

Grad Zenica i USAID/INSPIRE za uspješno ocijenjene bisnis planove mogu osigurati:

- troškove registracije firme;
- troškove fiskalizacije;
- dio ili u cijelosti troškove zakupnine prostora u prvoj godini obavljanja djelatnosti;
- dio ili u cijelosti troškove knjigovodstvenih usluga u prvoj godini obavljanja djelatnosti;
- trošak minimalnih poreza i doprinosa u prvoj godini obavljanja djelatnosti;

- dio ili u cijelosti troškove uređenja i opremanja poslovnog prostora do visine odobrenih sredstava;
- dio ili u cijelosti promotivne troškove do visine odobrenih sredstava;
- dio ili u cijelosti troškove nabavke poljoprivrednih sirovina i stoke do visine odobrenih sredstava;
- dio ili u cijelosti troškove nabavke nove opreme, mašina, alata, materijala do visine odobrenih sredstava.

Napomena: Sve nabavke osim stoke i peradi, moraju biti realizirane sa pravnim licem.

Kriteriji za vrednovanje poslovnih planova

Komisija će izvršiti vrednovanje poslovnih planova prema jedinstvenim kriterijima.

a) Pozitivni kriteriji:

- da je ispoštovana procedura za pisanje poslovnog plana;
- da će biznis djelovati u sektorima za kojima postoji potreba;
- da je realizacija biznisa u skladu sa propisima o zaštiti životne sredine.

b) Kriteriji za ocjenu kvalitete poslovnog plana u okviru sljedećih segmenata (detaljnije obrazloženi u okviru obrasca za ocjenjivanje poslovnog plana):

- poslovna ideja;
- broj zaposlenih;
- proizvod / usluge;
- analiza tržišta;
- marketinški plan;
- finansijski plan i investicioni plan.

c) Eliminatorski kriteriji:

- poslovni plan nije dostavljen u naznačenom roku;
- nedostaju formalni uvjeti za kandidiranje poslovnog plana (nepotpuna ili netačna dokumentacija);
- poslovni plan nije popunjen u potpunosti;
- biznis se ne realizira na području grada;
- realizacija biznisa ugrožava životnu sredinu i nije u skladu sa svim važećim zakonima o zaštiti životne sredine;
- biznis je ranije bio registriran u vlasništvu aplikanta i nakon toga odjavljen;
- aplikant je osuđivan za krivična djela protiv privrede i krivična djela protiv imovine;
- poslovna ideja koja ovim Javnim pozivom nije dozvoljena za finansiranje;
- aplikant je ranije koristio grant sredstva za sufinansiranje samozapošljavanja;
- uži članovi porodice aplikanta i osobe povezane sa aplikantom u trenutku prijave na Javni poziv imaju ili su imali registriranu istu ili sličnu djelatnost.

Obrazac za ocjenjivanje poslovnog plana

Vrsta djelatnosti

Proizvodnja	40
Intelektualne usluge	35
Usluge	30
Pojjoprivreda	20

Broj zaposlenih

1	10
2	20
3-4	30
5 i više	40

Ocjena poslovne ideje

Odlična	30
Dobra	20
Uvjetno dobra	10

Ocjena poslovnog plana

Odličan	20
Dobar	10
Uvjetno dobar	5

Utjecaj na okolinu

Ekološki čista proizvodnja	15
Potrebna reciklaža	5

Inovativnost

Djelatnost ne postoji	30
Djelatnost slabo zastupljena	20
Djelatnost postoji	10

Prva faza

Javni poziv je otvoren od 12.10.2023. godine, a prijem aplikacija će se vršiti do 13.11.2023. godine.

Druga faza

Objava rezultata javnog poziva izvršit će se do 1. decembra 2023. godine, nakon čega će se donijeti konačna odluka o izboru.

Treća faza

Sklopanje ugovora s podnosiocima zahtjeva u kojima će se definirati prava i obaveze Grada Zenica, USAID/INSPIRE-a i podnosioca aplikacije.

Ugovor sa odabranim aplikantima će se potpisati na maksimalan period od godinu dana. Odabrani aplikanti će imati ugovornu obavezu da u roku od maksimalno dva mjeseca (60 dana) od dana potpisivanja ugovora pravno registriraju svoju djelatnost kao obrt ili kao društvo sa ograničenom odgovornošću (d.o.o.). Odabrani aplikanti će imati ugovornu obavezu da budu vlasnici registrirane, osnovne djelatnosti i uposlenici te djelatnosti.

Isplata sredstava korisnicima

Isplata sredstava uslijedit će nakon potpisivanja tripartitnih ugovora sa odabranim aplikantima, kojim će biti definiran način plaćanja. Sredstva će biti uplaćena direktno na račun prvi put registriranih biznisa podržanih aplikanta.

U skladu sa Sporazumom između vlade SAD i BiH o ekonomskoj, tehničkoj i srodnoj pomoći za BiH, za nastale troškove po osnovu potpisanog ugovora, koji se finansiraju iz udjela sredstava USAID/INSPIRE-a, moguće je provesti proceduru u svrhu povrata PDV-a.

Tajnost i povjerljivost plana

Da bi se zaštitili svi podnosioci aplikacija i onemogućila zloupotreba povjerljivih informacija izloženih u poslovnim planovima, članovi Komsije za ocjenjivanje i zaposleni u Gradu Zenica, te druge osobe koje su uključene u realizaciju ovog programa obavezuju se na zaštitu povjerljivosti i tajnost.

Informativna radionica

Grad Zenica i USAID/INSPIRE će tokom javnog poziva osigurati edukaciju za sve zainteresirane u pogledu popune obrasca aplikacije i odgovoriti na sva dodatna pitanja. Edukacija će se održati **25.10.2023.** godine u 10:00 sati u Velikoj Sali Gradskog vijeća u Zenici.

Ciljevi javnog poziva

- Probuditi preduzetnički duh među marginaliziranim grupama;
- motivirati početnike i kreativne pojedince s inovativnim i provedivim poslovnim idejama;
- obuka o procesu stvaranja novih poslovnih mogućnosti;
- omogućiti stvarno pokretanje vlastitog biznisa.

Dokumentacija koja se dostavlja na javni poziv:

- prijavni obrazac za finansiranje biznisa (potpisan od strane kandidata);
- original ili ovjerena kopija prijave o prebivalištu;
- original ili ovjerena kopija uvjerenja sa biroa za zapošljavanje, a ukoliko aplikant nije na birou popunjava pismenu izjavu da se ne nalazi na birou za zapošljavanje i tom slučaju dostavlja uvjerenje porezne ispostave da nije porezni obaveznik;
- ovjerena izjava da aplikant nikada nije imao registriranu djelatnost;
- ovjerena izjava da aplikant nije osuđivan za krivična djela protiv privrede i krivična djela protiv imovine;
- ovjerena izjava kandidata da nije koristio grant sredstva u svrhu sufinansiranja samozapošljavanja;

- ovjerena izjava da aplikant nije imao registriranu djelatnost kao ni da uži članovi porodice aplikanta i osobe povezane sa aplikantom u trenutku prijave na Javni poziv nemaju i nisu imali registriranu istu ili sličnu djelatnost;
- dodatne dokaze o pripadnosti kategoriji marginaliziranih grupa, npr.:
 - ukoliko je aplikant žrtva nasilja, kao dokaz dostavlja kopiju rješenja Općinskog suda ili neki drugi dokument kojim to dokazuje;
 - ukoliko je aplikant samohrani roditelj, kao dokaz dostavlja rodni list djeteta i smrtni list za supružnika/presudu;
 - ukoliko je aplikant osoba s invaliditetom ili s djetetom s invaliditetom dostavlja kao dokaz nalaz ljekarske komisije i uvjerenje Centra za socijalni rad;
 - ukoliko je aplikant osoba iz ruralne sredine, kao dokaz dostavlja CIPS (uvjerenje o prebivalištu);
 - ukoliko je aplikant osoba koja je na neki drugi način marginalizirana, dostavlja dokaz koji to potvrđuje.

Svi originalni i ovjereni dokumenti koji se dostavljaju na Javni poziv, izuzev dokaza o pripadnosti kategoriji marginaliziranih grupa, ne mogu biti stariji od datuma raspisivanja Javnog poziva.

Pitanja u vezi sa Javnim pozivom mogu se postaviti putem e –maila i telefonski na kontakt:

Maša Škrbić (e-mail: masa.skrbic@zenica.ba; broj telefona: +387-32-447-691),

Prijave sa potrebnom dokumentacijom slati preporučenom poštom na adresu:

Grad Zenica

Služba za privredu, gradsku imovinu i upravljanje razvojem


Trg BiH br. 6, 72 000 Zenica, BiH ili predati lično na Protokol Grada Zenica.

Na pošiljku staviti naznaku:

Za Komisiju za ocjenjivanje prijave dostavljenih po pozivu za finansiranje biznisa marginaliziranih grupa žena i pripadnika drugih marginaliziranih grupa

NE OTVARATI

Prilog ovog Javnog poziva je je prijavni obrazac za finansiranje biznisa Dodatak I.



Broj: 02-45-21182/23

Datum: 12.10.2023. godine